

PROTAGONISCJ



**Furlans che a àn fat
fevelâ di lôr dilunc vie
la cuindisine**

Marisa Michelini Didatiche de fisiche internazionâl

La professore Marisa Michelini e je stade elezude par aclamazion presidente dal Grup internazionâl di ricerche sul insegnament de Fisiche (Girep), une organizazion che e met dongje studiôs, docents e esperts di 64 País. Michelini, docent di Didatiche di Fisiche tal ateneu furlan e je la prime femine a cjâf di une des plui impuartantis organizacions a nivel mondiâl. Te universitât dal Friûl, la professore Michelini e je stade delegade di ateneu pe didatiche e l'orientament judant a meti in pîts il Centri orientament e tutorât, il Centri interdipartimentâl pe ricerche didatiche e la Scuole di specializazion pal insegnament secondari.

